

10. Maj 2022

FM2022/98

**Saammaasseqatigiinnissamut Isumalioqatigiissitat innersuussutaat arfineq marluk saammassiniarlugit suliniummik aallartitsinissaat pillugu Naalakkersuisut peqquneqarnissaannik Inatsisartut aaliangiiffigisassaattut siunnersuut, iliuusissatullu pilersaarut UPA23-imi Inatsisartunut Naalakkersuisunit saqqummiunneqassasoq.**  
(Inatsisartunut ilaasortaq Doris Jakobsen Jensen, Siumut)

Siullermik siunnersuuteqartumut Doris Jakobsen Jensenimut qujanaq.

Saammaasseqatigiinnissamut ataatsimiititaliaq 2014-mi pilersinneqarpoq, 2017-ilu naalersoq nalunaarusiap inassuteqaatai 7-iusut saqqummiunneqarlutik. Nalunngilarput ataatsimiititaliap aallartinginnerani pisut imaannaasimangitsut, tassami nunasiaataanermit inuit eqqarsartariaasaat aamma sunnerneqarsimarpaseqimmat. Ataatsimiisitsinerit amerlasuut aammalu inuiaqatigiinnik, ataasiakkaanillumi oqaloqateqarnerit naapertorlugit nalunaarusiaq inernilerneqarpoq.

Siumumiit pingaartipparput, nalunaarusiorsimagaanni, iliuusissanillu tunniussisimagaanni aamma tigussaasumik Naalakkersuisut suliamik ataqqinnillutik, tingussaasumik sulineq ingerlatissagaat aammalu minnerpaamilluunnit ukiumut ataasiarlutik suliap ingerlanerani innuttaasunut annikkaluaniilluunnit paasitinneqartassasut. Tassami saammaasseqatigiinnissamut suliaq sivikitsuinnarmik ingerlasinnaangivissorpoq. Naammassinisalu uaneeranngumiinngilaq, tassami uunga killittariaqarpugut, siunnersuutit 7-it tigussaasumik naammaginartumik suliarineqarneri qulakkiissallugu.

Siunnersuummut tunngaviuvoq oqartussaniit tingussaasumik sulianik paaqutarinnittoqarnerisooq takussutissaqarfiginera killeqarmat. 2020-imimi ukiakkut tusagassiutsitigut atuarneqarsinnaavoq ataatsimiititaliami sulisimasooq pakatsisimasooq, suliallu tingussaasumik suliarineqarnerinik takussutissaqannginneraluni.

Nalunngilarput meeqqat misiliutaasimasut utoqqatserfigineqarlutillu, Danmarkip naalagaaffianiit taarsiivigineqartut. Tamanna aamma nuannaarutigaarput. Massakut aamma allat nunasiaataasimanerup kingunipilui saqqummerartuarput, soorlu niviarsiaqqanik spiral-ilersuisimaneq, inatsisitigut ataataqanngitsut taarsiivigineqarnissaat, Hans Egede inuusaliarsua allalu "decolonize"- imik taallugu inuusuttut saqqummertarnerini eqqummaariffigineqalersimasut.



Siumumiit pingaartilluinnarparput, inuiaat, inuillu tarnikkut, timikkut innarlerneqarsimasut, ullumikkumullu ajornartorsiutitta tunngavippiat eqqummaariffigalugit, pimoorullugit, tingussaasumillu akisussaasuniit aallutarineqarnerulernissaat.

Nalunngilarput Naalackersuisut naatsunnguamik akissuteqarnikuusut suliat suut ingerlanneqarsimanersut, ingerlanneqartullu. Tamannali uparuangilarput, uparuarparput inuiaat suliap ingerlaneranik aammalu inuiaqatigiit ineriartornerminni paasisaat, misigisaat allallu naapertorlugit suliap ingerlaneranik nalilersuisuarnissaq, suliallu killiffii inuiaqatigiinnut paasisutissiissutigineqartarnissaat.

Piffissanngorsorinarpoq Naalagaaffik peqatingalugu iluamik, sukumiisumik saammaasseqatigiinnissamik suliaqalernissaq.

Siumumiit Naalackersuisut allannguutissatut siunnersuutaat taperserlugu, suliap suliarilluarneqarnissaanik sakkortuumik kaammattueqataavugut.

Kuno Fencker, Siumut



UPA2022/26

24. april 2022